

*A chest brâv Bibliotecari
fasin omâgn del luncu*

Dispense N. 3 Presit 80 cent. Conto Corrente postale Dôs dispensis al mès 8 Maj 1929 - VII

ARCHIVI

de leterature furlane antighe e moderne

*Biele lenghe furlane fortunade!
cu-mò sarâ di te pûr fate stîme
e plui d'ogn'altre tu sarâs loldade.*

GASPAR CARABÈL (Rumtôt)
cirche 1630

Cheste dispense 'e contén :

Guidón Salvadi (Guido Podreche) - LA STRIE
par i ans 1890 e 1891.

Costantin Smaniotto - TITUTE LALELE
comèdie in tre aç.

Recensión. — Su la Grafie dal Furlân

Osservaçions. — Qualchidûn calumând il non di Guido Podreche, ritignût framassôn, al stuarzarâ il nâs. L'ha tuârt parçê che se al lei al viodarâ che la *STRIE* nò contén propri nuje che al puedi nâncie lontanamentri ufindi la religiôn catôliche. Cui che al judicâss sençe lei al farêss come chel tâl che, avind vûd diviârs duei par sustignî la superioritât dal Tass su l'Ariôst, 'ta-l ultim, ferid a muârt, l'ha podût di cun-t-ûn fil di vôs-a chei che lu assistevin: E pensâ che nò hai mai let né la Gerusaleme né l'Orlând Furiôs.

Del rest 'te-s dispensis futuris si publicarân ance componimêç di autôrs che han indirîç dal dut diferent sençe lâ tant a indagâ e ance prêdicis a condiçion che si giavin da l'ordenari, che sein spiritosis, che rifletin il Friûl e lis tendencis, lis condiçions e i costûms atuai dal popul.

Se qualchidûn al vess componimêç inediç dal Podreche, detâç par furlân, l'è preât di comunicâ-ju. 'O vin pudût consultâ nome lis anadis III - VII dal Forumjuli, periodich setimanâl di Çividât. L'è probabil che in giornai o in numars unichs si ciatin altris poesiis di Guido. Dopo finid di stampâ dut chel che cognoscin, si publicarâ in brêv la vite. 'O sperin po' che qualchi competêt nus mandi la critiche de ôpare leterarie furlane dal nestri Salvadi.

Essînd la publicaçion fate sore-dût par il popul sarâ ilustrade da notis che nò ocoraressin pa-i studiâç.

Al librârs e rivenditôrs. — Il pajamênt al devi sei fat al plui prest sul *CONTO CORRENTE POSTALE N. 8-69* di A. TELLINI, Udîni, Plaçe Vitt. Em. 9 A. Nò si ricevin indaûr dispensis che nò sein perfetamentri conservadis.

Ogni Persone 'e podarâ contribui a la difusiôn da l'ôpare, mandânt l'impuârt di almanco 5 dispensis da rivendi al cognosçinç. Al gioldarâ il ribâss dal 25 par cent.

Par favori librârs e rivenditôrs nò si fasin abonamêç individuai, né si spediscin còpiis isoladis in Friûl.

Stabilimênt Tipo-Litografich **BEPO TABÀCH** — Sandenêl dal Friûl

Dispense imprestade, jê dispense piardude o almanco uastade

TITUTE LALELE - Comédie in 3 aç di C. SMANIOTTO

(Continuación dal prin at)

TITUTE — (sôl) 'Co si contente lui.

VENÂNCIO — Mi son estatico, no so parlar, el cuor me palpita, el labro nol sa dir...

TITUTE — Beati i tribolati.

VENÂNCIO — Me toca compagnar quel fior de grazia.

ESTERINE — (su la puarte) Sior Venancio el xe tutto pronto.

VENÂNCIO — Col so permesso, sior Tita (vie) Felisse.... felisse....

TITUTE — L'important al'è che al rivi a menâ-me fûr dai vôi. Di ben, che Venancio al'è contént istess. Al vederá ve', çe spacadis di borse, se al rive ad ore a sposâ-le. Jo, 'o-nd-hai avonde di Lúcie.

SCENE TREDICÈSIME

(Esterine, 'e ciente) (Lúcie dute ben vistude sta par vignî)

LÚCIE — (dentri) Cui sùni-al el piano lá dentri?

TITUTE — (a la fêmine che ven indenánt) Ciáli-le! Ciáli-le! se nò foss ca tra l'inquía e il martièl pocis 'a-n' mi vorèss a ciapâ sù un curtisc a sbusâ-le (s' 'o sighi al mi va par-áiar el matrimoni di Esterine, se 'o comèt un delít la podestarie.... l'è miôr che mi rassegni) (Lúcie si presente su la puarte) 'O hai capît.... tu mi disis, 'o soi ca, çe spiëtis-tu?... ma a mi nò mi svole el ciáf e nò hai voe di fotis.

LÚCIE — Nò ti plási-al?

TITUTE — (al ciòl sù la note de sartore) 'E jé durete di roseà.

LÚCIE — Jo 'o vuei diventâ la fêmine plui ben vistude di Surisíns. — 'O soi stufe di sei simpri sacrificade; 'a mi covente un fregul di svago par nò crepâ prime da l'ore. Se ti còmude ti còmude, se nò mi comodará a mi. In quánt a Esterine, chê ánime nossente che tu sintis a ciantá, 'e savará ciatâ-si un bon partít a Vignésie e nò 'ta chest pedeglôs di país...

TITUTE — El partít al'è za ciatâd, e ance-mò al'è contént di 'vè-le scorteade cussí come che tu sês tu. - Sint çe d'acordo che van. (Esterine 'e ciente: Alfredo, Alfredo)

LÚCIE — Alfredo, Alfredo sí, fin la músiche lu sune.

TITUTE — Jo 'o varèss miôr che chel Alfredo al si clamáss Venancio magari, e ch'al vess lis sachetis fodradis di ciartis di mîl.

LÚCIE — Sí sa... Dâ mê fie a un vécio cossón, ch'al spude in muse quánd ch'al ciacare? Devéntis-tu mat?....

TITUTE — (al clame Esterine) Esterine Esterine, ven, ven a mostrâ-j a to mari chel siôr che al ti ha compagnade cussí ben, e in músiche e in amôr. (al rîd contént)

LÚCIE — (e còr su la puarte de ciámare di riçevi, 'e ciale dentri e po' viárs Titute) Venancio? Tu j tegnìs a lis palanchis tu? Va lá, va lá plebeo.... E tu varèssis cûr sí, di sacrificâ el to sangh in chê maniere? (Venancio al jentre) E?... e?... ciacare, babeo....

SCENE QUTUARDICÈSIME

VENÂNCIO — (*stand su la puarte da ciâmare di rîcevi*) Entusiasta, entusiasta, una vose deliziosa (*al continue a laudâ*).

(*Lûcie 'e va incuintri a Esterine; la ciape pe' man e la striscine viê par fuarçe*). Anîn, anîn Esterine... A Vignésie ti ciatarai iò un zovin di chei in gamba. To pari lì, al'è incuchît in-tê podestarie e al savârie.... (*e' van vie*) (*Venânçio l'è in èstasi*).

SCENE QUINDICÈSIME

MÔMOLO — (*al jentre curînt*) La xe quâ la comission.

(*Tîtute al va fûr in presse e su la puarte al ciate Cándide che jentre cun-t-une vore di butilgis*).

TITUTE — Sençe culumie sas-tu, sençe culumie (*Cándide 'a jentre 'te ciâmâre di rîcevi*).

VENÂNCIO — (*che al'è ance-mò 'ta-l mond de lune, e restât sôl*) O dolze poesia.... o attimo fuggente.... sogno che presto deventarà realtà... (*al va viârs la puarte e al ciate in èstasi*) Alfredo, Alfredo di questo core....

JÚ IL TENDÓN A LA SVELTE

AT SECÓND

SCENE PRIME

(*La scene come 'ta-l prin at*)

(*Titute e' Cándide e son comodamenti sintâç su-l sofâ*)

TITUTE — (*tentând di persuâdi-le*) Ben, e ce has-tu? ce vèvis-tu prime? che quasi tu vaivis. Ti trâti-o mâl?

CÁNDIDE — Nò nò.... Ma lu viôt za che mi tociará lassâ-lu...

TITUTE — E inalore? Ca nò ti mance nuje, tu hâs un parón ch'al ti ûl un bèn di vite: vorëssis-tu abandonâ-mi cumò ch' 'o mi soi tant ben abituât cun te intânt che lis mës sioris fëminis e' jerin a Vignésie a fâ-si fotografâ cu-i siôrs in custûm di bagno?...

CÁNDIDE — Eh!... lui al'ha altri a ce pensâ cumò... Al'ha la parone e la signorine che son tornadis....

TITUTE — Ma tu sâs che 'e parone nò podarai perdonâ-j.

CÁNDIDE — Al'ha po' dutis ches sioris che vegnin a ciatâ-lu di ogni bande dal Friûl.

TITUTE — Ma nò Candidute mē.

CÁNDIDE — Ancie i vuarps e' podaressin viodi che 'al cîr di trascurâ-mi e al'ha resón parcè che veramenti iò nò mereti...

TITUTE — Chês mostris di lêtaris su la "Pátrie dal Friûl", ve', e' son la cáuse di dut... ma cun dut chest (*j va dôngie*) iò bandonâ-ti... nance par ideis...

CÂNDIDE — (*mostrând lis ciartis che son su-l taulin*) Ve' lì, se 'o dis la bausie (*leind*): Siôr Meni benedèt...

TITUTE — Cheste 'e sarâ l'últime, chê dal colp di grâcie... Sicuro viatico a le Podestarie che jé iminente... La lêtare su la fieste de Furlanie par la quâl nô e' sin stâc a Udin a tignî alt el onor dal nestri ciâr Surisîns. — O Candidute, tu parevis une vorone ben donge di me. Duc ti varèssins ciapade vultîr pe' mê siore (*la spiçige*), benedèt chel flôr di rose...

CÂNDIDE — (*lu lasse fâ*) Can-da-toro! al mi spiçighe sul sêrio!

TITUTE — Ti hai-o fat mâl?... (*ciareçan-le*)

CÂNDIDE — Nò, nò....

TITUTE — Tu mi hâs, di un pôs di dis a cheste bande, une siere tombadiçe!... tu stâs pôch ben tu, is-e vere?

CÂNDIDE — Bisugnarâ ch' 'o ciacari cun qualchi-d-ûn...

TITUTE — Cu-l miedi; lu farîn vignî ca.

CÂNDIDE — E nò...

TITUTE — Cun cui po'...? Se mi intindèss iò...!

CÂNDIDE — Cu la siore comari....

TITUTE — (*saltânt sù*) Ce, ce?... le comari?!?!?!?

CÂNDIDE — Al mi fâs sudission el miedi...

TITUTE — (*tranquilizât*) Ah! (*al ciamine sù e jù e al fevele sôl*) O' crodevi ben... parcè che la comari... vignarèss a stâ-j... (*a Cándide*) Ma ce ti sintis-tu?...

CÂNDIDE — Un ciárt mâl stâ che nò hai mingò mai vût...

TITUTE — Cûri-ti, cûri-ti e, ciale mò, 'o soi pûr ca âncie iò, o miôr el miò puarte-sfueis.

CÂNDIDE — E!!! se po' 'e vigniss a savê alch siore Lúçie o miôr se lu vedèss a fâ matèç cun me....

TITUTE — Ce us-tu che disi? fra me e je dut al'è rot, e' restin dome che lis aparènsis parché la intate nò sighi al scandul. 'E tornarâ donge di me quând ch' 'a varâ roseât dut chel che podará roseâ. Ma, 'e jé vècie sas-tu; el timp al'è galantóm e cuintri di chel nò val né piturâ-si, né smaltecâ-si, né staronsâ-si, né 'vê qualchidûn di fora-fora.

CÂNDIDE — Is-al convint alore, di chel che j hai contât?

TITUTE — Altro che convint, altro che convint e al'è par chel che 'o met el quintri-pês su la belance (*la tire dôngie*) par dismenteâ... el miò amôr par te, Candidute, al si fâs simpri plui fuárt. (*al tente di bussâ-le ma je 'e s-ciampe dal çentro*)

CÂNDIDE — Can-da-toro nò-l'há nissune prudénçie lui....

TITUTE — Ven ca.

CÂNDIDE — Dopo siôr.... Titute.

TITUTE — Mòstri-mi la lenghe... ti hai lassade s-ciampâ....

CÂNDIDE — (*simpri su la puarte*) Ch'al si ricuardi che mi tòcie preparâ el risòt cu-lis quais (*'e s-ciampe vie*)

(*Continue*)

al sindich, si maridin fra di lôr;
e cheste zoventût, dute murbin,
'e si sint plui che mai un sbruseghin.

Chê violute palidute
che si plate su-l¹⁾ rivâl
'e côr ris-cio, in miêc de jarbe
di lâ in bôcie d'un nemâl.

Nò is-al miei che une frutine
si²⁾ la meti in miêc dal sen?
Chel puar flôr di primevere
là, sigûr, stará plui ben.

Il soreli al scomence a s-cialdâ ben,
e frêd nò-l sará plui, a chel che 'l pâ; r;
cussí al Mont di Pietât 'o côr in-bote,
par meti in pen chel mostro di tabâr.

Çe del folch tamburâis-o lá par-sore?
l'è un businôr mai plui sintût compâgn.
Se 'e ven jú l'aghe in proporçion che al
(tone
fra dis minûc sarin duc-quânc in bagn.

Oe! Furlâns! Ce cucagne di galete!
chiste volte l'afâr al si comede:
se, come il solit, 'o la intivi drete,
âncie i pitòchs larán vistûc di sede!

Jugn

Il Nadisón scomence a popolâ-si;
duc-quânc di dí, quan-che il soreli al bruse
'e vadin sot de roste par bagnâ-si,
però cu lis mudandis, come si use.
E âncie di gnot nò jé une ciosse rare,
qualchi fantate in aghe si sguatare.

(Garibaldi)

In chist mès, in chist dí, miei ciârs
(Furlâns,
lá-jú a Caprere, un omp siarave i vôi
e denánt a chei vôi duc i tirâns,
'e han dovût un dí pleâ i zenoî.

Nò-l 'veve bastiménç, nò-l veve armâç

ma co-l passave lui, biônd e zentil,
si squajavin i esercij di soldâç
come la nêv dai monç ta-l mès di Avril.

Cumò chel voli dolç, chel ciavél biônd,
chel cûr tant generôs, chê man di fiâr
che han combatût par dâ la pâs al mond,
'e riposin¹⁾ lâ jú... di lá dal mâr.

Brum! Brum! Un brontolón!
Pif! Paf! Une saete!
Ce colp di tamburón!
Ce orchestre malandrete!

O ce raçe di soreli!
nò si tire nâncie il flât!
al mi plumbe su-l çerneli!
'O mi sint dut impiât!

Instât

Il Poete

Quând che si dis *poete*, si dis dut:
l'è un tâl che al mûr di fan, che al la
(baçile
che al tòcie i pîs par-tiere, ma cu-l ciâv,
al va sú in alt 'te-i nûi, plui de çisile.

Al'è un puar insumiât che in tîmps an-
al zirave ciantând su-l mandulín (tîghs
lis vecis stòriis dei Reai di France
e lis impresis di Guerín Meschin.

A-tôr di lui i conç e lis contessis
e duc i cavalîrs zovins e viei
fevin bossul; e al bati des lôr mans
al rispuindeve l'eco pa-i cis-ciei.

Il poete al ciantave, e a lis cançóns
a' si inchinavin ress e imperatòrs.
Il vèr re l'ere lui; la so corone
erin lis strofis sôs di mîl colòrs.

Il timp al'è mudât, ciârs contadins,
e il poete nò-l'è chel di une volte:
lui sí che al ciente simpri, ma nò-l'ha
di cavalîrs un publiche che lu scolte.

Ma çe impuarte che sedin cavalîrs,
o ress, o imperatòrs, conç o baróns;

1) Ed. 1894: 'ta-l — 2) Ed. 1894: se

1) Talianismo in veçe di *polsin*.

fin che l'è mond, al cianterà il poete,
e del popul 'e saràn lis sòs cançons.

I cis-ciei nò son plui; su lis ruinis
di Guspèr, di Puriessin e di Zuch,
'e cresc la vît e 'te-s ¹⁾ tòrs roseadis
fâs il nît la ciuite e al ciente il cuch.

Áncie il poete l'ha cambiât vistid:
nò-l'ha ricáms dorâç su-l golarón,
nò-l'ha ciapièl di plumis, ma spess
'l mánçie qualchi pont 'ta-l veladón.

E se voaltris lu viodès passâ
cu-l nâs voltât al çil, dut pinsirôs,
j ridès par daûr, e sbrundulais:

— Si viòd che l'è un poete e che 'a-nd-há
(pòs

E forsi e' domandais: — Ma ce covén-
che 'ta-l mond 'e si vedi la poesie; (ti-al
i poetis nò han-o altri mistir
che zirâ simpri a-tòr sençe fâ nie?

E pûr, ciârs contadíns, áncie il poete
'e l'ha 'ta-l nestri mond il so ce-fâ;
sebén che in-fín dei conç al pâr che al sedi
nassût par piardi il timp nome a ciantâ.

Ma il so ciánt nus conte tantis ciossis
che in-té-l cûr 'e nus metin la ligrie;
e se 'vin dei pinsîrs al ciate il mûd
cun-t-une strofe, di mandâ-ju vie.

E il so ciánt nus confuarte nel dolôr;
e il mâl al nus insegne a sopuartâ;
parcé che al indovine chei torménç,
che nò sintín, ma nò savin spiegâ.

E dut chel che amirín 'ta-l nestri mond:
e il nasci del soreli, e i bieî tramónç,
e il verd de lis campagnis e dei prâç
e il mâr, e i flums, e la planure e i monç:

E chist çelèst che nò viodín ²⁾ 'ta-l çil
e lis beleçis che nus stan a-tòr
lui al nus mostre cu-lis sòs cançons
e j dá, pa-i nestris vôi un gnuv splendôr.

Lui 'e l'è simpri pront lá che si giòld
a puartâ la ligrie del so mistir;

1) Ed. 1894: pe-s — 2) che contemplín

o dulá che si vaí e si patísc
l'è pront a dà une lágrime e un suspîr.

E quánd che il so país el'è in peri-
el'inflame cu-l ciánt i citadíns; (cul,
e cu-l'ino di guere al fâs marciâ.
duc-quánç a la difese dei confíns.

E se un popul al'è sot il stranîr
o se al patísc oprèss da un re birbón
al salte fûr il ciánt di un gran poete,
come la trombe de rivoluçión!

E quánd che il popul stret da la mi-
el si jeverá cun l'urlo del dolôr, (sèrie
denánt di lui al marcierá il poete
cu-l ciánt de la justíçie e del lavôr! ¹⁾)

Chest al fâs, contadíns, chel insumiât
che al svolè in alt 'ta-i nûi plui de çisile,
e che si use dí-j-gi quánd che al passe:
— 'E l'è un puar matarán che al la baçile!

A San Pieri gran morbín: ²⁾
bal, par cui che l'ûl balâ,
gubanis e bon vin:
dut il mond al sará lá.

Luj

O benedèt il Lui! Un bièl soreli
al s-cialde la planure e la montagne;
il verd dei ciamps, il çil net come un spieli
e' nus clamin a gioldi la campagne.
Da-par-dût uçelúc granc, pitiníns,
sençe contâ lis mos-cis e i mos-cíns.

Contadíns, sú dal momént!
Cun chest mostro di scotôr,
se volès salvâ il formént
dait di man al sborfedôr.
Ma se il ciáld j mene ben
o' larín pulíd cu-l fen.

• 'O mi ziri d'ogni bande

1) Chesto quartíne jé azonte 'te-s *Poesiis furlanis*
èditis nel 1894.

2) Il 29 di Jugu_sagre_rinomade a San Pieri
cun_bal_e tòmbule.

'o mi tachi al canociâl,
e nò viòd altri che sagris
e par dut fiestis di bal.

I monç son verç e le planure d'aur;
il Nadisón al ven jù verdulín;
il soreli l'è net; l'è net il çil;
ma plui net di dut-quánt l'è il miò tacuin.

Ma cialait çe cambiamént;
ploe, tempieste, tons e lamps,
cui dirèss-jal? 't-un momént
son duc rebaltâç i ciâmps.

Avòst

Furláns, nò si sarês dismenteâç
che za dòl ains in un paisút scuindût
'ta-l mièç dal verd, lontán da lis citâç
e' han soterât Catherine Percût.
Fèmine di talént e di bontât,
par nò il so nom sará simpri onorât.

Ch'o 'o fâs fai 'ta-l miò lunari
e' mi disin tanc di lôr;
nò jé simpri mê la colpe,
ma plui spess del stampadôr.

Come ogn' an par San Lurínç ¹⁾
Udin al si ha fat onôr;
granc afârs sore il merciât,
e cu l' Òpere furôr.

E cussí áncie a Çividât
o' vin vût par San Donât ²⁾
cun-t-ún timp mò simpri bièl,
granc spetàcui di cartèl;
Furistîrs par ogni bande;
impinide ogni locande.
In-tá-l Domo procission;
che ha zirât cun divoçión;

1) Corsis a Udin 'tôr San Lurínç che al ciâd
al dis dal mès di Avòst.

2) 21 di Avòst fieste pe' ricorençe di San
Donât protetôr de citât. Gran merciât ai 9 e
10 dal mès.

tapeçade ogni fignestre;
messe grande cun orchestre;
e' han seciât lis setemanis
un pôch masse lis ciampanis,
ma se si ha di di-le, in plen,
'e l'è lâd dut-quánt po' ben,
sichè tanc el'han finide
cu-l bagnâ-si la pivide,
bièl ciantând lis litanîis
in diviarsis ostariis.

Çe del folch mò suçéd-jal in 'chis-c
nus cápitin-o a-duèss rivoluçions? (diis;
'O viòd polver e sclopis d'ogni bande
e armâç che van passând a bataglións.
Po' tòrnin-o i todèschs che si sclopete
come nel timp famòs de lis batais?
Çe del diaul is-al?... Ah cumò capisc:
'E son ciaçadôrs che van a quais.

Setembar

'Tal canociâl mi ven un scûr di nûl;
çe dal diamber sará-el: tons o tempieste?
Colará-el qualchi folch sore il Friûl?
O nò-mo, corpo e fûr l'è nûl di fieste,
che al segne ogni an, par novitât,
stagión d' Òpere in teatro a Cividât.

Tu fasis fieste tu, bieles Guriçe,
e tu invidis i amis sore l' Isónç.
Sì, tornarín a la Castagnaviçe,
sí, tornarín al verd dei tiei biei monç
forsi puartând in man une bandiere
che ti dará une gnove primavera.

Cu le blave lin benón
nò cussí cu-l formentón.

Il timp l'è d'aur (ed. 1894)

"Il timp l'è d'aur", dis un proverbi vècio
ma iò, par di-'us il vèr, nò-j cròt po' nie;
çe-mût is-e che tanc nò han nâncie un
e che varessin timp di butâ vie? (boro:

— Giò, mestri! ¹⁾ tropis quais ves-o ma-
(çadis?)

— Nome quarantedôs... nò son anadis!!

Autún

I altris ains in autún 'o hai fevelât di dute la siorie che 'ta-l Cafè 'e remene il bilânço de citât distirade ca e lá su-i canapè; 'o hai nomenâc duc-quânc chêi che ciaca-di polítiche, di art, di religiôn; (rin e che, fra i bicieríns, e' si preparin a butâ i parlaménç a tombolón; 'o hai dit di chêi che passin la zornade a ingrumâ sù petèç e novitâç, e che saltin po' fûr di ciarezade se qualchidún j dá del muss su-l nâs; 'o hai dit di chêi che fasin i galânç simpri vistûç cu-l'ultim figurín e che han un gran çe-fâ 'ta-l meti i guânç o a comedâ lis pleis dal veladín; 'o hai dit dai Conseîrs che in Municipi e' si dan tra di lôr dei pipinòç, che, va-e-no-vá, che cun chel bièl principi 'e vedin di finì-le a scapelòç. Chist an inveçe 'o met di bande i siòrs che passin al "San March", i dis di vore, e 'o buti il voli su chêi aventòrs che cápitin di fieste, a-tòr un'ore. 'O intínd un'ore dopo mieze-gnòt, quând che al "Friûl", finiscin di balâ, e chê duc-quânc e' han voe di bevi un got par rimèti-si, prin di lâ a polsâ. Nò feveli di Pián ²⁾, gran sunadôr, che al met jú il clarinèt in-t-ún ciantón, mostránd, dopo bagnât il glutidôr, di sei, da vèr barbîr, gran ciacarón. E nò dis di Catáneo ³⁾, che l'ûl mostrâ a duc-quânc che cu-la bombardíne al ciente propri come un rusignûl, sbrundulând la so brave sunadine.

1) Il mestri Durlí.

2) Barbîr e sunadôr di flaut.

3) Barbîr e sunadôr di bombardín.

Cussí i altris artís-c che van lá vie par bevi un bicierín e par ciantâ tant di podê un'orute parâ vie, per chiste volte 'o uei lassâ-ju stâ. Ma inveçe 'o stampi doi rasonaménç di polítiche faç da contadins che si spiegavin i lôr sentiménç dopo di 'vè-si emplâç di bicieríns.

Lis eleçions

— Ou, Zuán, 'o sin, par Dio, a lis ele-
Olín struciâ cheste aristocraçie! (çions!
Lôr sarán i massârs, nò-altris paróns:
lôr in-te-i ciâmps, e nò sençe fâ nie!

Viarzín i vôi! nò stin fâ plui i mincions!
Corponón! vive la democraçie!
Anci-mò pôch! dopo lis votaçions
nò varín plui misèrie, saristie!

— Dis-tu, Pieri, da-bón?

— Da-bón? sigûr!
Is-al par nie il sufrágio univèrsal?
Cu-mò i paróns sin nò po', corpo e fûr!

— Alore tu tu votis...

— Basoâl!

Che vadin i altris sù: nò spietín fûr,
se podín 'vè del vôt un mièç bocâl.

Il Soçialismo

— Pieri, spièghi-mi un pôch çe che l'ûl
chist soçialismo cussí nomenât; (di
'o hai tant pensât su l'afâr... di spartí,
ma za l'è inutil... 'Co nò soi studiât?!

— Il soçialismo? Eco: 'e ha di vigní
une leç... çe si clam-je?... leç di stât...
Nò! spiete un momentín, nò jé cussí...
Folch! savevi! e 'o mi soi dismenteât.

E l'è... cumò... cumò... l'è il mûd di fâ
une grande soçietât - mútuo socòrs,
par-ché nissún al vei di lavorâ;

Cussí, compágn ¹⁾ duc-quânc e puars ²⁾
al fin áncie il pitóch al poderá ³⁾ (e siòrs,

1) Ed. 1890: compains — 2) Ed. 1890: púers

3) Ed. 1890: poderá

fâ di parón e 'vê i siei servitôrs. ¹⁾

Cumò nò puès finì il Lunari in pâs
ché vin fantatis in tipografie;
duc-quânc i zerbinòç ficin il nâs
cu-l pretèst di savê se 'o hai fat la **Strie**;
inveçe, la rasón 'e jé ca dute,
e' uelin viodi a lavorâ Gigiute.

Otubar

El'è un mès melanconich; in-tâ-l cûr
'o sint il displasé del bièl istât
che in tiare e in çil a pòch a pòch al mûr
par lassâ puèst a unviâr che al ven inviât:
Fortune che par fâ tornâ il murbín
i tinâç e' si van jemplând di vin.

O ce bièl lâ spaçizând
pe-s colinis, pa-i rivai:
blâncie, nere, sane, frès-cie
dute l'ue par i vignai.

Contadins âncie di fieste
spesseeit a vendemâ:
se nò fali, la tempieste
come còculis jé ca.

Bièl che si emplin i tinâç
lis fantatis, i fantâç,
pe' coline, pe' taviele
van ciantând la falulele;
il pinsîr di fâ bon vin
in duc-quânc met il murbín.

Al scomençe a fâ frescût;
ven l'unviâr a pass a pass,
fortunât il ciaçadôr,
la piçócie 'e ven a-bâss.

Novembar

Pâr, in chis-c dîs, che âncie la nature
come i omps, 'e si uelin vistî in lut;

duc-quânc sore une ciare sepolturê
puartin dei ultims flôrs il maçetût;
e duc cun une lágrime e un suspîr
par chêi che nò son plui han un pinsîr.

Âncie i Sanç e' son passâç
âncie i Muârç son stâs ir l'altri,
di 'vê un fregul di bièl timp
nò podín pensâ-j plui altri.

Come ogni an a San Martín
'e si ha vût del gran murbín;
si ha balât d'ogni bande, ma il puerèt
che nò-l paje fit, l'è sençe tet.

Lì sioris in estât sore i ciapiei
e' levin vie puartând plumis di uçièi.
Cumò mo' a-tôr il cuèl e su-lis mans,
'e puartin pièls di giâç e âncie di ciâns.

Oe Furlâns, il timp al mude;
iò la slungi plui che 'o puès;
ma nò zove, che Dicember
el'è ca che al nus dá a-duèss.

Decembar

L'è cui che al ciente che l'unviâr l'è bièl,
che si sta ben sintâç a-tôr dal fûch,
cun un ¹⁾ zeì di moróns, e un caratèl,
intânt che fûr la buere 'e scosse il lûch.
Si sa: pa-l siôr jé fieste dut-quânt l'an,
ma qualchidûn 'te nêv al mûr di fan.

I nestris progrèss (ed. 1894)

Cumò si rive fin a San Denêl
in un momént in grâcie del tranvai;
e di plui ogni tant si pò 'vê il gust
di lá a fâ un bièl bagnût 'ta-i fossai.

Cussì a Udin, jé un'altre novitât,
cu-l'eletrich si ha dut iluminât.

1) Ancie 'ta-l Forumjulii VI, N. 46, nov. 1889.

1) Ed. 1894: cun-t-ûn.

'E l'è un gran bon sisteme, dal sigûr
ma il bièl l'è che ogni tant si reste a scûr. ¹⁾

Âncie a Palme si va cu-le ferade,
ma bisugne stâ in viâç mieze zornade.
La Societât 'e fâs il so interèss:
si sparagne ciarbón, rivând instèss.

Unviâr

Malinconie e ligrie (ed. 1894)

Quând che scomençin su le tiare grise
a colâ jû lis fueis del ciastenâr,
e l'uçelût ingrisignîd 'te çise,
al svole, ma nò-l pò ciatâ ripâr;
quând che in çime dei pôi 'e còr la buere
scrosopânt pa-l stecúm inscredelît,
e scossând ²⁾ ta-l fossâl e in-té cunviere
l'últime frâs-cie verde e l'ultim nîd;
alore iò mi sint vignî 'ta-l cûr
un desideri di paîs lontâns,
lá che un soreli d'aur 'ta-l mâr al mûr
intânt che i rusignûi ciantin 'ta-i plans,
e chei paîs nò son paîs stranîrs,
e âncie lá si favele in italián:
Jé la tiare dei ciânç e dei suspîrs,
che si bagne 'ta-l mâr napoletân.

In chel paîs jé simpri primevere,
e il çil çelèst in dutis lis stagións;
e a l'odôr dei narânc de la riviere,
rispuînd l'odôr plui bon ³⁾ dei macheróns.
Ma ca, di unviâr, pa-i ciâmps còr il garbîn,
inglaçând âncie i creç del Nadisón;
e dut ingrisignîd il çitadín,
si tire dóngie il fûch in-t-ún ciantón.
E lui, beât, al gióld âncie d'unviâr;
ma qualchidún che, come simpri, al stente,
sot de nêv che ven jû, sençe tabâr,
in-tâ-l frêd al mastie pócie polente.

Iò 'o pensi a chei puarèç, e il cûr si
(strenz,

che han cuintre di lôr omps e destín,
e une mostre stagión, e i eleménç
che j-u tribulin simpri, sençe fin.
E orèss jessi un siorón par viarzi i braç
a duc i peçotôs che van a-tôr
pitocând ai portóns di chêi palâç,
che stan simpri sierâç ¹⁾ denánt di lôr.
Ma za nò soi siorón, e 'o lassi stâ
chist discòrs che al mi fâs malinconie;
e 'o volti strade in-bote par ciantâ
in altri timp; il timp de l'alegrie.

Il timp di balâ
Furlâns, al'è ca!
Si bale pulîd,
si ciente e si rîd,
si tire e si mole
une volte sole,
'co jé zovintût
'co jé la salût;
e po' buine sere,
si volte bandiere:
i ains e' galopin,
lis giambis e' clopin,
la çiere si mude,
il fûch si distude,
si sintin i câi,
e si è plens di mai;
il nâs el'è strach,
al brame tabách,
al mole la gote,
la schene jé rote
la voe del vin ²⁾
la voe dal ³⁾ murbîn
la voe di ciantâ
la voe di balâ
e tanti' altris vois
son ladis pa-i trois;
e nô mo' da-bòn,
sin lâç a passòn.

1) Ed. 1894: El'è un gran bièl sisteme, dal sigûr, — ma il miôr l'è che ogni tant si reste a scûr.

2) Ed. 1894: spacând.

3) " " lontân l'odôr.

1) Ed. 1894: siarâç.

2) " " del quintín.

3) " " del.

Fantatis, fantâç,
faseit pûr i maç,
gioldeit la legrie,
che za 'e s-ciampe vie
ben prest le salût
cu-le ziventût
e alore siôr sí,
l'è timp di finî!

In miêç a tanc pronostichs, puêsc sperâ
di 'vê mo' dite qualchidune juste.
Cussî sençe rimuárs, voi a polsâ
dopo siarât il canociâl 'te buste.

Salût

Us saludi di cûr, ciârs contadins,
sperând che mi vorês duc perdonâ,
se chiste volte la mê púare **Strie**
come pa-i ains passâç nò 'us plasará.
La colpe 'e jé che 'o soi stât masse a-tôr
jú pe' Italie, pe' Svîçere, pe' France,
Inghiltere, Germánie e altris pais;
che infín par scrivi nò hai vût timp bastan-
Però un altri an mi tornarai a meti (çe
cun dut impegno a ciatâ fûr pe' **Strie**
tantis storielis e casûç curiôs
di meti dut il Friûl in alegrie.

LA STRIE par l'an 1891

PREAMBUL

Il miò mistîr (ed. 1894)

'E jé propri cussî, se mi olês crodi:
Ancie un lunari al pò mo' fâ del ben;
e la pene, duc-quânc lu puedin viodi,
manezade cun chê art che si convén,
come il curtisc del miedi 'e ha la fuarçe
di lassâ il bon, e tajâ vie la marçe.

Cussî ogni an soi ca, pront al miò
sençe mai lamentâ-mi de fadie ¹⁾ (puêst,
sol per amôr del strolich ²⁾ che del rest
podarêss passâ il timp sençe fâ nie, ³⁾
inveçe 'o buti fûr chel pôch d'inzén ⁴⁾
dome par fâ, se 'o puêsc, un pôch di ben.

Par chest us visi prin, miei ciârs Fur-
'o doprarai il curtisc cun man sigure, (lâns
par tajâ fûr magagnis e malâns
sençe misericòrdie, cun bravure. ⁵⁾

Parçe che, come il miedi cu-l malât,
il poete al uarisc la soçietât.

E i canchers e i malâns de soçietât
e' son: l'artíst che nò-l'ûl mai fâ nie;
il siôr che nò-l sint gran di caritât
par chel che inveçe al sude e al si sfadie;
l'avarât, l'usurâr ¹⁾, il trist parón...
e a chêi bisugne fâ-j l'operaciôn.

E iò a ognidún che nò-l mi tiri dret
'o darai la so brave tociadine:
che l' sei nobil, artíst, siôr o puerèt ²⁾
'o magari une dame moscardine,
sençe cialâ in-té muse a di-nissún
'o tajarai la marçe ad ognidún.

L'avocât el'è visât,
che nò-l vegni a stuçigâ
lis questións che son quietis
sól per 'vê çe ciacarâ.

E nó-l vegni cun chês ciácaris
a soflâ-j-gi a chest e chel,

- 1) Ed. 1894: Sebén che nò mi met in prime rie.
- 2) " " prossim
- 3) " " podarêss risparmiâ-mi chê fadie.
- 4) " " inveçe o strîçi fûr dal ciâv l'inzén.
- 5) " " né paure.

1) Ed. 1894: l'usurari — 2) Ed. 1894: puerèt

par podê ciapâ dei boros
 profitând d'ogni bordêl.
 Il spiçiâr che nò-l mi vendi
 viârs, inveçe di sanguetis,
 che nò-l robi sore il presit
 di chês mostris di ricetis;
 che nò-l fasi, sençe spese,
 cu-l modón la medisine,
 che nò-l dedi de aghe sclete
 'co domandin santunine.
 E il barbîr, 'co 'l fâs la barbe,
 che nò-l conti a l'aventôr
 i petêc de lis comaris,
 che l'è lât sintînd a-tôr,
 che nò-l fasi mo' il petegul¹⁾
 fevelând di chest e chel;
 e che al stedi atênt inveçe²⁾
 che il rasôr nò-l tachi il cuêl.
 E l'ustîr che al tegni il voli
 e la man sore il spinêl;³⁾
 che nò-l vadi a la fontane
 ma plui spess al caratêl.
 E la siore, 'co nò-j bastin
 del marît i carantâns,
 che nò fasi pajâ i debic
 dai amigos cortesâns.
 Capelins e ventulinis
 e' son ciârs al dí di ué
 se l'amigo el' ûl pajâ-ju...
 al' ha ben il so parçè.
 E il marît cu-la so fêmine
 che 'l mi tegni un pôc plui strent;
 se al scomence a siarâ un voli
 j dan duc dal bech contênt.
 La massârie, 'co va in plaçe
 che nò vedi la pretese
 di podê badâ a lis ciâcaris
 e di fâ pulid la spese.
 E il plevân, 'co 'l dis la messe
 che nò-l ciali ca e culâ
 par cirî qualchi fantate

1) Ed. 1894: che nò-l stedi a fâ.

2) " " e che inveçe al vedi voli.

3) " " al tegni simpri — il bocâl sot
 il spinêl.

che i stess ben di... confessâ.
 E il sensâl, e il mângie-ciartis,
 e l'artist, e l'impiegât,
 e il scuclâr, e il professôr,
 e il parón, e il disperât,
 e il cialiâr, e la comari
 duc infîn, 'ta-l mond intîr
 che nò fasin tantis robis
 fûr di chês del lôr mistîr.
 Cussî, siôrs e contadîns,
 se badais al miò consei,
 'us siguri: l'an che ven
 del passât al larâ miei.
 E âncie iò 'te-l miò lunari
 nò varai plui tant ce-fâ:
 ançi 'o siarerai botegehe
 par nò 'vê çe criticâ.
 Ma sicome da quând che il mond l'è in pîs
 spiçiârs e miedis e' son simpri stâç,
 e prime di muri chei che erin vis
 o pôch o trop e' son duc stâç curâç,
 'ta-l stess mûd sarâ simpri necessari
 pe-s ânimis la cure dal lunari.

Zenâr

Zenâr l'è propri un mès plen di risorsis;
 parçè che l'ha lui sòl un "*prin de l'an*,"
 e i siôrs e' scugnin disuedâ lis borsis
 par dâ-j-gi a chest e a chel la *buine-man*.
 Ma iò, che i miei afârs nò van pulit,
 'o puèsc, al plui al plui, dâ vie un bon pît.

Lune gnöve, i moscardîns
 e' son duc ingrisignîs;
 cu-lis mans in-te-i s-cialdîns
 e in-tâ-l fuch cun *quatri* pîs.

Uei contentâ-lu (ed. 1894)

Un tâl nò-l'ûl chist an lâ su-la **Strie**
 opûr, ¹⁾ l'ha dit, che 'l mi bastonerâ;
 che 'l stei cujêt, nò-l varâ chê fadie,
 nissûn sigûr al lu cognoscerà.

1) Ed. 1894: Se nò.

J dirai che l'è un gènio di talént,¹⁾
e duc: lui nò l'è ciárt! — Is-el contént?

Che nò-j sedi la nèv, nò jé pretese:
Cividât al somee propri in ciamese.

I lunaris nò van leç
tant che fossin stupidèç!
Meteit dute l'atençion
âncie ad ogni lunaçion;
se us ciorès chest pôch fastidi
ciatarès di podê ridi.

Fevrâr

Da la bâncie 'o hai vidûç a saltâ fûr
il marchesin Lurinc e il cont Secondo²⁾
cu l'aspièt dignitôs, sevêr e dûr,
come par di a duc-quânc: Xe nostro il
e al popul e' metevin sôt il nâs (mondo
un giornâl di finance e il maç des clâs.
Unviâr al passe ben; o' vin in plaçe
dome un metro di nèv e mièç di glaçe.

'E van disint che i bâi
nò fasin ben pe-i câi;
cialait mò il *Ricevitôr*³⁾
che j dá dentri con furôr.
E-pûr sí che i siei puers câi
'e han vidûç dei carnovâi.

Quând che al svinte e che al nevee
iò nò lasci la ciadree;
e cialând a brusâ i stiç
pôch a pôch mi indurmidisc.

Come ogni an, iò mi sint dentri di me
il ricuârd dolorôs di un nestri lut:
son za vincetré unviârs che, come ué,⁴⁾
l'è muárt il nestri grand Pieri Zorút.

1) Ed. 1894: un gran talént.

2) Albin e Podreche.

3) Rampi.

4) 23 fevrâr 1867.

Il cont Pup¹⁾ l'è simpri in gale,
lui l'è simpri cavalîr;
lui al mole, quând che 'l bale,
su la fêmine un suspîr.
Lui l'è simpri pront par di:
"Signorine son qua mi!"

Març

Lui al si jeve a buin-orute,
cun-t-in bôcie la pipute;
al va in plaçe de fontane
e al si ferme cun Mariane;
po' al si tache a fâ la spese,
e al discôr cun siore Zese;
e po' l'ha âncie par Mariute
la so brave peraulute;
e cussí cu-i comarèç,
al'ingrume dei petèç,
e a informâ-si lui spessee
sore cheste o chê famee;
e ogni di lis novitâç
o i petèç che l'ha ciatâç
'a j-u spand su-i canapè
des buteghis di cafè.
Lui l'è cont, e par chest ca
el' ha simpri ce contâ.²⁾

Il Nadisón
a tombolón
ven jú pa-i class,
o ce fracáss.
Par-sòt il puint
búsine il vint;
se anci-mò dure
cheste criure
che 'l folch-mi-trai
o' lin duc a fâ tiare di bocai!

Cognòsc un segretari, che in efiet
l'ha simpri di contâ qualchi segrèt.

1) Cont Guglielmo, rinomât negociânt di má-
chignis e artícu di sport a Udín in Marciât Vieri.

2) Il cont Silvio Nordis.

E' vin ca un africán ¹⁾ di gran valôr,
come guerir laudât par ogni lûch;
ma des personis, sençe pont di onôr,
sostegnin che nò-l'ha vidût il fûch.
Lassâi-lis fevelâ; son lengonatis;
lui l'ha vidût il fûch... sot des pignatis.

Primevere

— Ce cianti-el in-té cise il rusignûl?
— O stelutis d'amôr
la me morose nò, plui nò mi ûl!
— Il çil al splend del so plui bièl colôr;
o bièl çil risplendént
scolte tu la cançón del miò dolôr!
— Lune, che nò tu sês nel firmamént
a fâ il to viâç maestôs,
oh, ven fûr, lune mê, sòl un momént!
— O biele lune, scolte la mê vòs;
té puarte il ventesèl,
il ventesèl d'avrîl tant odorôs.
— Iò ca nò soi che un piçulût ucièl, ²⁾
ma instèss mi bat il cûr
e il pinsîr al mi sbisie 'ta-l miò cervièl.
— La taviele jé grande, il bosch l'è scûr,
ce-mût puèdi-o ciatâ
la mê compagne?... O lune salte fûr!
— Salte fûr un momént a iluminâ
chel boscût, chê ciarande,
tant che la spose mê puedi ciatâ. ³⁾
— Fâs vignî il to lusôr di cheste ⁴⁾ bande
che l'entri in chel recèss;
un puer ⁵⁾ tradît, lune, si racomande.
— Oh! çe vâli-el il clâr? Se áncie podèss
ciatâ la mê compagne
per me il so cûr el'è piardût l'istèss.
Cussí 'ta-l bosch il rusignûl si lagne,
e al sfoghe i siei dolôrs;

1) Ed. 1894: militâr. Pâr che si aludi al cont
Leandro Pup.

2) Ed. 1894: 'Ta-l mond nò soi che un
piçulût ucièl.

3) Ed. 1894: tant che a la spose mê puedi tornâ!

4) " " chiste.

5) " " puar.

ma Primevere, vie par le ¹⁾ campagne
'e ciente l'ino, ogn'an, di gnûvs amôrs. ²⁾

Il çil a-tôr a-tôr l'è brut e scûr;
ponént j pete drenti cu-l tambûr.

Avrîl

O mès di Avrîl, ce-tánt che ti suspiri
cu-le to jarbe frès-cie e i tiei biei flòrs!
A-tôr, a-tôr pa-i monç il voli 'o ziri,
e 'o contempli il dâ fûr di mil colôrs.

Di gnot, cu-l canociâl 'o mi ritiri
a cucâ de lis stelis il splendôr.
Chist ca del strolich l'è un mistîr barón,
ma in-fîn al dá qualchi consolaciôn.

Parón Tite ³⁾ l'è propri disgustât:
une volte al faseve serenadis
ma cumò in cheste mostre di citât
nissún l'ha voe di fâ plui bacanadis
cussí áncie lui l'ha rot il so violín
e lassât il quintèt par il quintín.

O ce bièl celèst in cîl
nus prepare il mès d'Avrîl;
nò vorèss che in ricâmbio il mès di Mai
nus preparàss un qualchi tananai.

Il nestri segretari brâv e bièl
l'è simpri dut in pont e galandín
e i conseîrs lu ciolin di modèl
quând che uelin vistî-si a figurín.

Il mès di Avrîl finisc
con un ciárt timp pustîç.
Come il pustîç 'te code
des sioris a la mode.

1) Ed. 1894: la campagne.

2) " " lassâc i vècios, ciente gnûvs amôrs.

3) Beline, parón dal Cafè Beline dulâ che jé
cumò la sede da Bâncie dal Friûl.

Maj

Amôr e primevere (ed. 1894)

Anci-mò ¹⁾ primevere timidute
nò ha mitude la so plui bieie vieste; ²⁾
però scomence ³⁾ in cîl la cisilute
cu-i prins ciantûc a fâ-j-gi un po' di fieste.
E i tanc colôrs che ⁴⁾ spontin fra l'arbuta
cu-mò par-dût ⁵⁾ si slargin a la preste,
come di une bambine ⁶⁾ il bièl rossôr,
quând che in cûr sint a nasci il prin amôr.

Propri a-pónt — 'ta-l mès di Maj,
'ta-i conseis — comunâi
duc 'e sberlin — plui di mai.

La campagne si met ben;
fin cumò 'vin vûd serén;
ma se prest nò-l nus montane
nò 'vin aghe in-té fontane.

Poete butegâr (ed. 1894)

Pinût el'è un poete butegâr ⁷⁾
par chest al fâs i viârs... cu-l braçolâr.

Contadîns lavorait a parâ vie
da lis vîç chê barone malatie,
la malatie jé piês de la tempieste:
cheste nus passe e chê lá vie nus reste.

Jugn

La passiôn des quais

Giovanín nò-l pò stâ sençe la quae,
né la quae pò stâ sençe Giovanín;
parcè che quae sençe Giovanín,
l'è come un Giovanín sençe la quae.

1) Ed. 1894: Quând che la

2) " " anci-mò nò ha mitût la gnove vieste

3) " " ma che scomence in cîl la cisilute

4) " " a pôch a pôch e'

5) " " mil colôrs che

6) " " frutine

7) Albín Mulón zovin di buteghe di panine,
del sorenón di Chin.

Se 'l ciente Giovanín, ciente la quae
se la quae ciente, ciente Giovanín;
cussí se 'l vai siôr Giovanín de quae
'e vai áncie la quae di Giovanín! ¹⁾

Ricuardái-si, Furláns, che come ué
Garibaldi l'è lâi in sepolture.

Passin i imperatôrs, passin i re,
ma eterno il nom di Garibaldi al dure.

Busine il timp — serén nò-l dure
i sgrísui corin — par la nature;
lis fueis e' tremin — levánt l'è ca
scomence un fregul — a resinâ.

J manciave áncie cheste: une saete
'e mi ha disfâc i bêt in-té sachete.

Istât

Il miò viâc a Udin (ed. 1894)

Chist an 'o vevi propri stabilit,
viodint che a Cividât nò jé aghe buine,
di fâ un viâc in ferade o-pûr a pît
o-bèn, se l'ere il câs, in caretine
par lâ a fâ, come tanc civaldês,
a lis aghis di Ciargne un pôch l'inglês.

Ma poichè l'uomo propone e Dio di-
mi soi fermât a Udin par lis corsis; (spone
e sicome che lá nò si mincione
e che plui di culî si han des risorsis,
'e mi han cun tanc spetâcui inciantât,
che di lâ vie la strade nò hai ciatât.

Tant plui che dopo quatri o cinch zor-
di gran divertimént e di baldòrie (nadis
lis finançis 'o hai dutis consumadis
mandânt chei pôs di bêt in tante glòrie;
in tâl mût che se áncie mò 'o volevi ²⁾
rivâ sù fin ad Arte nò podevi.

Par chest 'o hai dididût di rimandâ
il viâc di Ciargne par l'Istât che ven
e almancul un mesût lassú restâ

1) Si alûd a Giovanín Bront clamât Caporâl.

2) Ed. 1894: che se alore áncie 'o volevi

par illustrâ-le come si convén.¹⁾
Cussí se áncie nò soi lâ di pueste,²⁾
áncie iò mò hai gioldût Udin in fieste.

Nò 'us conti che soi stât al *Lohen-*
in une sere di grandiose gale (*grín*³⁾
dulá ch' 'o hai sintût qualchi violín⁴⁾
a sunâ miôr di schene e piês di spale
sebèn che critichs nâncie fûr dal scusc
e' han giudicât che Wagner⁵⁾ l'ere un
(muss.

A sintî l'ultim at 'o soi rivât
di chê *Gioconde*⁶⁾ che ha fat gran furôr;⁷⁾
e a sintî mi soi propri consolât
dôs furlanis che a l'art fasin onôr.
L'Angeli⁸⁾ o intind, e la Pantaleone⁹⁾
che sul teatri e' fasin carierone.¹⁰⁾

Vie pa-i palchs 'o hai podût fâ cogno-
di dut il mond de l'aristocraçie; (scinçe
e di tanc siôrs di gran bieles prisinçe
che mi han tratât cun dute cortesie;
e che mi han dit: A l'estro nò l'è mâl
ma però si capîsc il provinciâl.

Nò 'us conti che a lis corsis 'o hai vio-
a cori dei ciavai di prin cartêl; (dût
e sore-dût un blanch al mi ha parût
cussí brâv, cussí bon e cussí biêl,
che al varêss il prin premi ciârt ciapât
se propri a l'ultim zîr nò-l foss crepât.

Áncie lá duc i siôrs de pressidénce
'e mi han tratât cun gran galanterie;
e iò — salvânt un fregul l'aparençe —
'o levi vie¹¹⁾ notan-ju par la **Strie**;

e 'o hai áncie notade¹⁾ une stafete²⁾
che leve a muss plui prest di une saete.

A la sere 'o hai vulût cioli il cafè
al *Coraçe*, locâl plui frequentât:
e apene dentri, duc a-tôr di me:

— O Guidón! O Salvadi! Ben rivât!
Is-al stât a lis corsis? Al Sociâl?
Ha-el visitât la nestre capitâl?

Al varâ ciârt un pôch di sturnimént,
lui che, vignût culi da Cividât,
a chist davoî, a dut chist movimént,
a chis-c grandîôs spetâcui nò l'è usât;
ma instêss sperin che quând che al torne vie
al lasci un puêst par Udin su la **Strie**.

Iò hai rispuindût che par chist an culi
il miò lunari el'è dut implinît,
ma che par l'an che ven, nò ocôr di di,
ogni ciosse 'o farai propri pulît,
sençe dismenteâ-mi di nissûn
e dand la so lustrade ed ognidûn.

E cussí sês visâc: l'instât che ven³⁾
'o puarti a Udin lenç⁴⁾ e canociai;
e un biêl osservatori, dat di len,
in cime del cis-ciêl 'o implanterai,⁵⁾
par podê viodi se áncie in chê citât,
'e han la lune come a Cividât.

Siôr Ménego⁶⁾ al mi zire in musonât,
pe-s contradis de nestre Cividât;
nò-l pò fermâ-si nò l'ha timp che j vançe
pe-l gran ce-fâ di bastonâ la France.
E po' bisugne 'vê contegno seri,
'co si ha 'te-s mans il sfuei del minîsteri.

Luj

Aventure poétique (ed. 1894)

Soi lâ 'te-l⁷⁾ Nadisón dopo il tramónt:
il çil l'ere serén e l'aer cujêt;

1) Ed. 1894: come che convén

2) " " Cussí se propri nò soi lâ di pueste — 'o hai podût gioldi istêss Udin in fieste.

3) Opere di Ricardo Wagner (1850)

4) Dulá che qualchi mestri di violín — j dave plui di schene che di spale; — e lá che critichs nâncie fûr dal scusc — e' han decidût...

5) Ricardo Wagner di Lípsie (1813 - 1883) famosissim composîtôr di ôparis in músiche.

6) Opere di Amilcare Ponchielli rapresentade la prime volte 'ta-l 1876.

7) Ed. 1894: che fâs tant furôr

8) Felícite Angeli esímie diletânt di ciânt.

9) Romilde di Udin 1846 — 20-4-1917 distinte ciântânt di teatro.

10) Ed. 1894: teatro e' han fate carierone.

11) " " 'o soi lâ vie

1) Ed. 1894: notade áncie

2) Il cavaleriç e sensâl di ciavai Pieri Degán dit Canelín (1841 — 27-8-1917) stafete de's corsis par 42 aîns Soldât di cavâlarie pesânt sot l'Austrie.

3) Ed. 1894: par l'an che ven

4) " " linç

5) " " 'o plantarai

6) Il giornalista Meni Indri.

7) Ed. 1894: 'ta-l

la lune si spielave ¹⁾ jù 'ta-l fond,
fasint lusì ogni clap ed ogni cret.

Pensând a lis beleçis di chist mond,
'o levi vie pe' rive dut solèt,
quând che mi pâ, 'te-s fras-cis, di scoltâ,
un nò-sai-cè che al steve a sguatarâ.

Daûr del clâr di lune 'o ciali miôr,
e 'o viôd, fra il sí e il nò, un'ombre con-
erin formis di fêmine, e il lusôr (fuse,

l'ere pôch par podê-le viodi in muse;
ma 'e pareve zentil come un amôr,
e iò... svelt indenânt cun-t-une scuê;
folch-mi-trai! quând ch' 'o rivi su le grave,
l'ere Bepo Pacian ²⁾ che 'l si lavave.

'Vin vûd ploje, serén, bagnât e sut,
nfati, pe' campagne un pôch di dut.

Ce fas-jel chel nulât? Nus va, nus reste,
se al tontone âncie un pôch varin tempie-
e cussì fuarte che 'l dirâ siôr Zorz: ³⁾ (ste;
'E ha spacât lis ciampanis di tre tørs.

Se iò foss barbe Giove, lis saetis
'o savarèss dulâ mandâ-lis dretis.

'Te bande, come in çil, cu-l so barbôn
il Pari Eternò ⁴⁾ al sfonde il tamburôn.

Avòst

Spetacul ciâr

Il dotôr Fane ⁵⁾, cui che nò savèss,
al va a l'òpare a Udin un mont spess;
e tant par nò lâ fûr di economie
come miedi nò-l spind 'te ferovie;
e ciârç parînc, par ospitalitât,
j han za il biglièt del ⁶⁾ teatro preparât;
e migo in piis, che il miedi nò-l mincione,
el' ûl âncie-mò 'vê la so poltrone.
Quând ch'al ven fûr al ciate pront di çene;

e perfin 'o crôt ¹⁾ che il Diretôr di scene,
sot vie mò j slungî un pôs di carantâns
parcè che al sbati pluî che 'l pò lis mans.
El dîs po' a Cividât: — Spetacul râr,
ma, par dî il vèr, al coste massè ciâr!

L'an passât, in chist mès 'o hai volût,
ricuardâ un pôch Catherine Percût;
e âncie chist an us torni a la memòrie
la poetesse furlane, nestre glòrie.

La campagne cumò propri si bruse,
une buine lavade, j ûl di muse.

Cun chist ciâld, che nò-l covente
'e va al diamber la polente.

Motiv ciargnèl

E' sin d'instâd ma 'l tire aer di Lançe ²⁾
e ca e culâ si viôd in lontançe
la dame blâncie ch'è passade oltre,
i purçîs 'te grîpie tirin la coltre;
el pastôr, al dîs San Bartolomeo
cumò mò 'l lat al va dut-quânt cun Deo.

'O disevi a siôr Zorz ³⁾: — Po' folch!
se nò ven ploje ca si bruse dut! (çe sut!
E lui, cu-l solit ton, mi ha rispuindût:
— Che al mi crodi, za un'ore l'ha plovût;
ma la ploje, cu-l ciâld che l'è lassû,
'e si sujave prin di rivâ jù.

Setembar

I ciaçadòrs, come che jé l'usançe,
e' tirin fûr pulver, balîns e sclope,
e il carnîr e' impliniscin di sperançe,
e di flas-cis, di câpsui e di stope.
E' metin un vistît di circostançe,
e cu-l'arme butade su la grope

1) Ed. 1894: inspielave

2) Il nobil Bepo De Pacian, vivént

3) Piculi, za citât.

4) Il sunadôr di lirôn Serafin.

5) Ed. 1894: Un ciart dotôr par cui che nò-l

6) " " dal

1) Ed. 1894: e va-e-nò-vâ

2) Si alûd al Pass o Siele Julâ che l'è il Casôn
di Lançe a 1567 m. a N. E. di Paulâr; opûr al
Riul Lançe afluent dal torint Ciarçò che al percôr
il Cianâl d' Inciaroi o di Paulâr.

3) Piculi.

'e zirin la citât plens di baldançe,
cu le plume al ciapièl cialciât 'te cope.

Áncie un perît ¹⁾ al fâs un gran davoî:
ociâi di gnûv sisteme el'ûl screâ
che fasin viodi áncie siarând i vôi;
e sclopis che nò fasin mateâ
e baletóns che maçin di bessoi...
e bombis, sore-dût, che 'l sbarerâ.

Veramentri a Cividât
nò vin aghe in quantitât;
ma in Consíglío Comunâl
un che l'ha 'ta-l ciâv del sâl,
l'ha dit: Pe' popolaçión
l'è áncie masse il Nadisón;
par cont nestri nò bevin,
sençe l'aghe simpri vin.

Il cont Guido e Fantín ²⁾ e' van ciaçând
par dutis lis campagnis di Moimáns;
e dopo sedi lâç vie sclopetând
une quae a la fin e' han 'te-s mans.
Il cont al dís: jé muarte di sigûr,
áncie ué mò di-bánt nò sin lâç fûr.

Fantín dut-quánt contént di chel bièl
al torne a ciariâ in-bote la sclopete; (tîr
ma dut in-t-ûn momént, fûr dal carnîr
le quae 'e s-ciampe come une saete.
E pinf! e ponf! e paf! ce fusilade!
Ma la quae a passón jé za tornade.

Autûn

L' Òpere a Cividât

Ce dal diamber sucéd-ial in-té strade?
Un, corínt, al mi dá cu-i comedóns;
un altri al ciale jú par la contrade,
la ínt e' còr in fúrie su-i portóns;
in Cafè la partide e' han lassade
e duc-quánc' si rimpinin su-i balcóns.
— Po' disèi-mi-t: ce folch is-al mai chest?

1) Corado Gábrici.

2) Contadín di Moimáns a la dipendénce dal
cont Pup.

— Nò savès? ¹⁾ L'è rivât un siôr forèst.

Apene che si spand la novitât,
duc e' han un gran ce-fâ par informâ-si:
— Is-al sòl, opûr is-al compagnât?
Ha-el di tornâ vie prest o di fermâ-si?
Quánt che dut in-t-ûn colp par la citât
une notíçie 'e ven a sparniçâ-si:
Chel tâl nò-l'è bessòl, ma in compagne
el'ha dute une sdrume di siorie.

In Cafè al ven imburît
il dotôr Secondo Fane,
dut lustrât da çîav a pît
con un metro e mièç di cane:
— *Dove xelo il presidente?*
Dove xelo il segretario?
Quá mi nò capisso gnente
xe mezz'ora che savârio!
Nò capi che xe rivada
la cantante Compagnia?

Ca el si juste la velada
e infuriât al torne vie.
Dopo un pôch siôr Tite ²⁾ al rive,
e chel altri pressidént;
e' han vidût la comitive,
dismontade in chist momént.
— Nò si scherçe — al sberle Bront —
faseit prest che l'è za tard!
Cun chei tâi che van pa-l mond
ocôr 'vê un po' di riguârd!
Quà ghe vol — el dís siôr Tita —
un po' de galanteria:
per l'onore de la dita
lasso i afari e vegno via.
Coro incontro a la cantante,
prima dona ³⁾ xe per mi,
la condugo al ristorante
e il tenòr lo lasso a ti.
Ca ven fûr in-pònt un predi: ⁴⁾
— Ce covénti-el tant fracáss!
Iò che al sedi chel che 'l sedi,

1) Ed. 1894: saveis

2) Beline.

3) Ed. 1894: il soprano el xe per mi.

4) Don Antoni Morandín dit pre' Vosón, bass
rinomât, mansionari dal Domo di Cividât.

par miò cont 'o uei 'vè il bass !

Duc-quànc insieme i siòrs de Pressiden-
cun Fane, cun Bianchetti) e pre' Vosón (çe
e' corin dulà che la diligençe
'e rive cu-i forès-c da la staçion :
e' abraçin i ciantànç e lí par lí
di tant plasè si tachin a vai.

Dal dit al fat si ciate chel puar bass
ciapât dal nestri bass conçitadin
che lu sacode, che lu mene a spass,
e po' a cercià culí e culá un quintín
e fin a mieze-gnòt e' stan a-tôr
urlánd l'Ebreo, la Norme ²⁾ e il Trovatôr ³⁾.

Il soprán al si tache al braç di Fane
e siôr Tite al si met di un'altre bande ;
e duc-i-doi cun árie cortesane
'e menin la *madame* a le locande ;
e lá si puarte fûr un pòch di dut :
pan, polente, formadi e áncie ⁴⁾ persút.

Il tenôr el va a ciase lá di Bront,
il vèr modèl dal gener pressidént,
che j conte, che dal jessi bass profònd
l'è passât a tenôr in-t-ún momént ;
e invecçe di puartâ-j-gi fûr pietançis
j ciente une dozene di romançis.

A la sere in buteghe di cafè
il dotôr Fane in mièç a un gran bordèl,
el conte che i ciantànç arivâç ué,
'e son propri ciantànç di prin cartèl ;
che per vigní a ciantâ ca a Cividât,
la scritture a la S-ciale e' han rifiutât.

Ma oramai la gran sere 'e jé vignude :
sièt palchs, si díis, che sedin zâ fitâç ;
che une rie di ciadreis sei za vindude
a dei siòrs che da Udin son rivâç ;
e che fin tre poltronis e' han comprât
i uficiai di pressidio in-té citât.

In prime rie, scrofât in-té poltrone,
si po' amirâ il gran critich musicâl,
sèrio e maestòs in dute la persone

come convén al capo di un giornál. ¹⁾
E al pâr che ogni momént al vèi di dí :
"*Per dar un bon giudizio son quâ mi!*"

Daûr di lui chel tâl dal ciapelón
che par jessi de stampe bolognese, ²⁾
el'ha un'árie e un aspièt di sapientón,
e invecçe po' l'è un mass plen di pretese. ³⁾
Lui nò-l'è mai contént, e di bièl za
prin che scomençin l'ha di criticâ.

Invecçe mò ⁴⁾ altris doi corispondènc
dei giornai udinès son preparâç
a dí che duc i artis-c son sorprendènc
e che l'Ebreo ⁵⁾ j-u ha propri entusiastâç :
e che il nestri spetàcul, dut somât,
da Rome e da Milán ⁶⁾ al'è invidiât.

A pòch a pòch duc-quànc 'e son a
stampe, critichs, artis-c, intenditòrs : (puèst,
sioris 'ta-i palchs, dutis in pont e in sest,
cun gran abiç di lusso a níl colòrs ;
il diretôr l'è za su-l ciadreón :
Silénçio! che 'l va sú cu-mò il tendón!

L'Ebreo, nâncie di dí-lu, el va benón ;
il tenôr l'ha une vòs di gardelín ;
il bass al dá tonadis di canón ;
il soprán al va vie come un violín.
L'orchestre e i coros po' fasin furòrs :
per nuje nò si clamin *professòrs*.

La messe in scene 'e jé spettacolose :
Bulfón el'ha un aspièt di cardinâl ;
Cassine l'ha un barbe strepitose,
Lustigh ⁷⁾ l'ha un elmo come un pesenâl,
e a duc, fûr di une spèce di velade,
j salte fûr un gran bocón di spade. ⁸⁾

Lis scenis 'e son dutis pituradis
da un pitôr di Parigi ⁹⁾ rinomât ;
palác, cis-ciei, zardíns, glésiis e stradis,
il dut cun gran efiet di veretât.

1) Meni Indri.

2) Ed. 1894: che par sei giornalist de capitâl

3) " " e invecçe l'è un bocón di basoâl

4) " " In-t-ún palch

5) L'Ebreo di Jacum Fromentel Halevy di
Parigi (1799 - 1862) rapresentade dal 1838.

6) Ed. 1894: da Parigi e da Udin

7) Al faseve il beciâr.

8) Ed. 1894: un spèd... che l'è une spade.

9) " " di Puriessin

1) Jacum Bianchetti segretari da l'ospedâl
civich.

2) Òpare di Vinçenç Bellini di Catánie
(1801 - 1833).

3) Òpare di Bepo Verdi (1853).

4) Ed. 1894: e del.

E in-sòmp sot un tacón ¹⁾ di une ramade
si viòd un blech des muris di Granade.

Dut-quánt il publich propri entusiastât
al bat lis mans tant che si si sturnisc;
al suçêd un bordêl indiavolât,
si peste i pîs, si sberle: *bravo! biss!*
Perfin Titute, da la comoçion
al sfonde cun-t-ún colp il tamburón. ²⁾

Fra un at e l'altri, l'atrio del teatri
al si implinisc di criticis musical:

— E çè operón! 'E si pò fâ-nt fûr quatri!
Nò mancîn su-la scene che i ciavai!
E cun un pôch di bal, ca nò si fale,
al sarêss un spetacul per la *S-ciale*.

Il librût el'è un gener soprafin!
E l'orchestre? — Che vegnin pûr culi
— al dîs Sandri Maçòcie — cu-l Lohengrîn;
e i altris stupidèç ³⁾ *de l'avignî!*
Che vegnin ca se uelin 'vê la prove
di ce che vâl la lôr músiche gnove!

Adiriture Fane al piârd il ciâv,
al salte ca e culâ come un cavrèt:
— O çè tenôr! çè bass! çè bon! çè brâv!
Çè finâl! çè preludi! çè duèt!
La messe in scene po' nò ocôr di dî
nò pò jessi plui bieles di cussî.

Ma duc 'e van a mèti-si in platee
parçè che za scomençe il secônd at;
e il mestri za tornâd su la ciadree
cu le bachete in man il timp al bat.
E áncie ⁴⁾ l'ultin at al'ha l'istêss
straordenari, inmêns, grandiôs sucêss.

Scomençin a colâ dei maçetîns
su-la prime ciantânt e su-l tenôr:
'e son i nestris bravos milordîns
che a la citât 'e fasin simpri onôr:
e alore duc si tachin a sberlâ,
e il gran trionfo ⁵⁾ al torne a scomençâ.

Culî la pressidence 'e mande in scene
doi fruç a puartâ fûr tant di corone,

che a le ciantânt e' metin su la schene
tant che j taponin dute la persone;
e maçetûç di ruscli e di soròss,
e di altris rosis po' dut plen ¹⁾ un coss.

Ma chest l'è nuje; 'e vegnin fûr guan-
colmadis di ogni sorte di regai: (tieris
s-ciátulis di sardinis, çucherieris,
salâms e façolêç, cialçis, stivâi;
e persin ogêç d'aur in quantitât
comprâç sot des barachis dal ²⁾ merciât.

Figurâi-si çè raçe di bacân;
çè raçe di bordêl e di sussûr
duc-quânc sore lis bancis cu-la man
opûr cu-l pît 'e batin il tambûr;
e persin i udinês — çè degnaçion!
e' conçedin la lôr aprovaçion.

E biss! e fûr! e bravo! e bene!
evviva i cori! evviva il Direttore!
Quând çè dut 't-un momént, donge la
al sberle Giovanín: *Fora l'autore!* (scene
*E cussî dut il publich in furôr
*al sberle entusiasmat: *Fora l'autôr!* ³⁾)

Duc-quânc ripetin chê domande ca:
*— Olín viodi l'autôr! Che 'l vegni fûr!
Ma l'autôr nò-l si viòd a capitâ,
*e alore plui che mai cresc il sussûr;
*parçè che dut il publich l'ha pajât
*e al'è in dirit di sedi contentât. ³⁾

A la fin salte fûr par il sipari
in miêç a chel tantin di confusión,
Bolzích ⁴⁾ in abit nerî, da impresari,
a dî, dopo 'vê domandât perdón:
— Se l'autôr nò-l si mostre nò-l'ha tuárt,
parçè che, se nò fali, l'è za muárt!!!

In teatro si sint a giudicâ
su-l gran spetacul che chist an si dâ.
L'òpere, al dis Barcelli ⁵⁾ 'e va benón,
ma j vorêss un pôch plui di tamburón.

1) Ed. 1894: bocón

2) Cheste sestine 'e jé omitude 'te ed. dal 1894.

3) Ed. 1894: e cui altris pastîç

4) " " E fin a l'ultin at el'è

5) " " triónf

1) Ed. 1894: si disuede un coss

2) " al

3) 'Te ediçion dal 1894 son omitûç i viârs
cun asterisco *

4) Un timp impresari teatrâl di Udin.

5) Nodâr a San Pieri.

DOLFO CARRARA

Vocabolario integrativo Friulano - Italiano

Gorizia 1928 - Liris 5

(continuación)

Par l e n jotacizâç: la l cun-t-ún taj usade 'ta lenghe polache e la n cu-la tilde (ñ) doprade 'ta-l lengaç spagnûl.

Il c aspro al puarte sot la lètare un piçul z; il z aspro l'è rapresentât da un t cu la çedlie in uso 'ta-l'alfa-bèt rumén. Si note ch'è i suns di chestis dôs lètâris si corispuindin; tant l'è vèr che çespa, çerneli e çidinâ son rapresentadis in dutis dôs lis manieris, mentre al bastarèss il c cu-la çedlie (ç) da nò adotât seguitind un monc di altris scritôrs.

L's linguâl o sc al, è rapresentât da s cun-t-ún piçul c sot; e il z dolç o sonoro da un z cun-t-ún taj. Invece nò l'è distint s dolç o sonoro da l'aspro o sord.

Nò si fâs uso né di z, né di g, né di c non modificâç; quindi dîs segnos di pluî di chei ordenaris, mentri l'alfa-bèt esperantiste al pò adatâ-si nome cu l'introduzion di c, g, s cu-l ciapelût, che si ciatin in dutis lis stampariis che componin lis lenghis slavis, di l cu-l tai (che in furlân nò l'ocôr che in butiglie e forsi in qualchi altri vocabul) da l'n cu la tilde e dal k che za esistin in ogni casse di caratars tipografichs.

L'è duncie di apreçâ il sfuârç da l'autôr par risolti cheste questión che nò varâ la so soluçión definitive e lógiche finchè si mantegnarán prejudiçis e ideis preconçetis, di-mud-chè, dopo tantis discussións, si è al medesim pont che si jere qualchi secul indaûr 'co si è scomençât a scrivi il nestri lengaç.

Dopo chestis osservaçions nò nus reste che di çepelâ dal vocabolari chês peraulis che nò si ciatin te's dôs edicions Pirone (la seconde fin a la lètare F), metind a ogni-d-une la spiegaçión in mûd ch'a' puedin capî ancîe i non guriçans.

Arziâ (antâgn, altâgn).

Babètula (dim. di baba, femenute, vècie); baratul (more); brico (cursôr de vicinie, in Pirone brich).

Cagoja (cai); filâ calighera (filâ caligo); ciana (siale, cijale, ciane); ciapèl (ciapièl); ciuca (bale, sbòrnie); ciúciul (tetarûl); ca-l, ca la (dal, de, dúngie).

Falopa (fal, sbálgio); flicâ (repeçâ, imbletâ, taconâ); flòcia, sflòcia (flandogne, fiandre, bombe, bale); fudrúcia (furdúcie).

Gatâr (grátula); ghet (davoî, confusión); girássula (scrâçule, scarâçule); gnespa (gespe); grijâ (ciantâ dei griis).

Impassâ (meti in tasse, formâ un pass di legnâm o altri); imperatòria (note, comunicaçión governative sot la Austrie); insintomai (fintinemai, sintine-mai, fintremai).

Lanta (antîl); latuma (crafe, frescietât, cudúgn); lujar (fig., montagnûl slâv o todèsch cun-d-une plume su-l ciapièl).

Massèria (masèrie); madrôn (vièr solitari); malích (grop di nolis su un sòl pecòl); mèmele (miarduçe); misce-tar, missetar (missete, sensâl); mucul (mocul); mugna (muinie, parussulin, zefe, zefute); mûtrigna (muse dure).

Nute (Tunine, Anute); nutul (gnotul).

Pea (slâvare, fig. barete); pessolâ (becolâ la ûe); Pèpiça, Pepissa (Zefute, Zefe, Bepute, Bepine); Pèpill (Bepût, Zefût); piês (pedoi dal formént); pípa (spinèl, spine); piscâ (gotâ, sclipâ); pitabodi (mescedamént, confusión); plana (sojâr di fignestre); plateatich (tasse di postègio); plis (felpe, pluss); possala, poçala (pantân, fango, sfueât); polsèt (braçalèt, manín); postîer (puarte-lètâris, postîr, postèir); práida (bráide).

Repa (râv di bruade); rua (ruje); rucul (manutengul); ruscul (ruscli, russul, spargh di ruscli).

Sbadâc (sbladách); sbaraja (tuguri, presèp, baliverna); sbrindula (brûd o cafè lung, sbrudâc; cafete); scartaça,

scartassa (bruschin, spaçete); *sclapa-léns* (sclape-çòchs, spache-léns); *scorsenâ* (scorsâ, scorçonâ); *scriçâ* (rijâ); *scuâcâ-ra* (svuátare, sguátare); *sflum* (fondòn, gorgh); *sgagnî* (sbufâ di ridi); *sgiarnôr* (ingredei di ramâç, vidiçóns, barâç, sterp); *signón* (sorte di petenadure di fêmine in mode za 60 aíns); *in spadine* (sençe capòt); *spissijâ*, *spiçijâ* (piçigâ, piçâ); *spissigul*, *spiçigul* (avâr, tegnôs); *splaja* (spiaze, splaze); *straponçadura* (mende); *stropón* (cialcón, stropul, tapón); *suneta* (armóniche di bòcie).

Taranona (plui che bisnone); *tarântule* (tartúf); *teca* (libri di scrivi, quaderno); *Tinçili*, *Tinsili* (Catinute).

Zancâr, *çancâr* (çanch, çamp, çampín); *çiçimpera* (scivilòt pe-s parússulis); *uniân*, *unijân* (chist an); *çeon* (sejón, seón); *çingul-çangul*, *çingula-çângula* (niçul, niçul-naçul).

Vôs ritignudis di orígene slave

Ciúch (çuss, çuç); *cleb* (pagnoche); *cluca* (mântie, manete).

Çugna (strâce, canavaçe di cusine).

Matica (çapín, çapute); *megh* (baghe); *missetar* (missete, sensâr) *mlêcar-ça* (fêmine del lat, latârie).

Opoca (ponche).

Passiça (fasce, cintúrie); *pèstarna* (brâçule); *petiça* (pitice, monede); *pissinâd* (rijât a plui colòrs); *potcova* (fiâr di ciavâl).

Rubida (barâç di scòrie).

Saltemartin (lisiarte); *s-ciúrch* (grison); *smetân* (flor dal lat, pane, ciapièl, brume); *smola* (pèule, pês, peis); *storcla* (basoâl); *sússigna* (pomis seciadis); *svitich* (colâç per puartâ pês su-l ciâf).

Vôs che si ritegnin derivadis dal todèsch

Acarli (croschè).

Bèchili (agnèl e zocul o cavrèt); *befèl* (cománd).

Chibla (séle, cialdîr); *çirúch*, *çirucâ* (cessâ, lâ a cesse-cúl); *chitil* (camisòt); *clafter* (misure lineâr austriache: m. 1.897); *clansfer* (bandâr); *comassa* (ghete); *crof* (gose).

Faros (canóniche); *forspân* (tradotte, caroçe par traspuartâ militârs); *frâila* (damigele); *funt* (700 grams); *fusser* (futic, s-clape).

Gártusa (garoful di spine); *ghera* (fêmine brute); *glazer* (negoçiánt di veris) *grapa* (fuesse, forân).

Laib di pan (pagnoca).

Mesnar (muini).

Pais (salse); *pâissa*, *pâiça* (salvadi, selvagine); *jústâ-si par paus* (a voli, sençe pesâ o misurâ); *pech* (fornâr, pistôr); *pecaria* (buteghe di pan, pistorie); *pelandrôs* (peçotôs); *pintar* (botâr); *presl*, *prezl* (colâç di quarésime); *puçinâ*, *pussinâ* (furbî, netâ); *pupina* (pipine); *puspañ* (boss).

Recl (vistit curt); *ringhilspil* (giostre); *ronç*, *rons* (záino pa-i libris, valise).

Sabraca (ualdrape, vualdrape); *sança* (trincee); *satúl* (astúç, s-ciátulute); *sbrega* (sbregòt); *scherb* (plat, crep, plat rot); *scina*, *çina* (rotæ, trâv di fiâr); *secla* (intimèle, cussignèle); *sintar* (cope-ciâns); *slindra* (ciarn sfiliose, dure); *slossar* (fari, clavarûl); *slucher* (miserabil, puar, pitòch); *smir* (svuîrç); *smîrchês* (spèce di formadi); *snâiçer* (mochiete, mocietis); *spâraviç* (musine); *spiçigul* (avâr); *stampelo* (stupid, basoâl); *stâjare* (bal de Stîrie); *stèura* (tasse); *stîrçer* (vagabónd); *striea* (fig. cioche, bale); *sub*, *çub* (traspuárt di une persone cun sfuei di vie).

Trâiher (cundutôr di nemai).

Urbârî (i libris cu-i documénç relatîvs al possèss fondiari, feudâl e giurisdiciônâl val-a-di libris focatichs e ciasatichs, libris de servitût e di vassalatich).

Zucâ (tirâ); *zugh* (sifón).

Su la grafie dal furlán

Ringraçin la "Pátrie dal Friûl", pe' benévule recensión da l'Archivi. Par judicâ e criticâ la grafie adotade bisugne però tignî cont dai critèriis che la han ispirade e, se mai, scomençâ dal disaprovà i ponç di partence sui quai si é tentât di edificâ; i quai e' son:

1. - Seguî il plui pussibil la grafie taliane sebén inferiôr a chê de lenghe Esperanto e dai lêngaç de Jugò-slavie, croât e slovén.

2. - Fâ in maniere che ogni sun al foss rapresentât costantementri, sençe eceçions, da une lètare o da un digrame (*gl, gn, ch, gh, sc, ss*) in mûd che qualunque persone, dopo imparât il valôr des lètaris, áncie se nò sa il furlán, 'e sei in grâd di léj-lu discretamenti, in mûd di fâ-si capî.

3. - La vocâl che puarte l'acént tonich jé simpri indicade fûr che quând che la tòniche jé la penúltima de peráule, e chest sençe eceçions di sorte. La vocâl che jé lúngie e che puarte l'acént a forme di ciapelût 'e jé par il plui áncie tòniche. Si è adotât l'acént acût parcè plui generalmentri usât a chest scopo, invece di chel grâv.

4. - L'acént acût al indiche áncie che lis vocâls *e* ed *o* son stretis o siaradis; il grâv che son viartis o largis. Ju infiniç dai verbos e' puartin la vocâl finâl lúngie, naturalmentri quând che jé acen-tade come *amâ, fint, volê*.

5. - La liniute 'e rapresente il lea-mént fra dôs peráulis opûr 'e separe ju eleménç che componin un vocabul. L'apòstrofo l'indiche la omissión di une vocâl o di une sílabe. Pò dâ-si che qualchi volte chest principi nò-l sei stât seguit rigorosamentri áncie par nò lâ cuintri la consuetudin o fâ triste impres-sión al voli.

6. - La liniute 'e divid ju eleménç di une peráule, par consequéce, cui che al scrív, al devi cognosci la costitución dal vocabul e cui che al lèi l'impare se nò-l sa, ce-mûf che la peráule 'e jé componude e al pò lâ a cirí su-l vocabulari il valôr dai eleménç de stesse.

7. - Si é procurât di scrivi in mûd diferént lis peráulis che avínd medesim sun 'e han significât diferént: *cussi lâ, lâ, la; jû, ju; jé, je; si, sí, 'sí; o' 'vin vin bon: ta-l zûri; 'ta-l plat; il tâl; 'co si fâs chel ch' 'o dîs, o pûr ch' o' disin, 'e va, e' van* ecètare.

8. - L'esist un *s* sonoro e un *sord* rapresentât chest da doi *ss*. Bisugnarèss quindi scrivi *ssissignôr*, Alore nò si sarèss obleâc a scrivi *zave* cu-l zeta per nò lei come *Save* (flum) e *Zef* invece che cu l'*s* sonoro. In grâcie de cedílie, usade áncie dal Pirone, al *c* (*ç*), che al ciape il valôr di *z* sord od aspro, podín distingui *çuf* dá *zuf*, *çavate* da *zavate* (brute *zave*), *çir* da *zir*, *çit* da *zit*, *çigon* da *zigon*, *zanche* da *çanche*, *zupâ* da *çupâ*. Dúncie sarèss perfetamentri jústificade áncie l'adoçión di dos lètaris diferentis par *s* dolç e per *s* aspro come per *z* dolç e *z* aspro che jerin za stadis diferençiadis dai scritôrs dal "*Forumijulî*", di Guriçe ch'al ha viodût la lûs par qual-chi an prime de uere.

Il dopli *s* e il dopli *z* formaressin un ripiego, qualchi volte in contradición cu-la grafie taliane e cu-l principi (su-l quâl, par meracul, duc e' van d'ácordo) che il furlán nò-l ha nissune consonánt dople.

9. - In nissune lenghe si é doprât l'apòstrofo par modificâ il valôr di une consonánt. Introdúsi-lu per indicâ che il *c* finâl l'ha valôr palatâl nò-le che un ripiego de stamperie che nò posèd un *c* cu-l ciapelût o cu-la pipe e con un acént (adotât però te' gramátiche dal cont Puarte). L'úniche maniere adúncie per

evitâ la pipe jé di scrivi: *tach, sech, flich e duc, tanc, dinc, parinc*. Ancie il scrivi: *frèg' cie s'ciátule* invece di *frès-cie, s-ciátule* l'è riprovevul par ches-c motivs:

a) - Che l'apòstrofo l'indiche che jé modificate la lètare precedént, quindi l's che al dovarèss puartâ il segno diacritich (pipe, ciapielút o apiç), e l'apòstrofo nò-l'è che un ripiego tipografich per insuficence de stamperie.

b) - Che in realtât l's nò l'ha subît nissune modificacìon e invece l'è il c che al'è palatâl quindi, se mai, si dovarèss scrivi, per sei in relacìon cul c di duc': *frèsc'ie*. Ancie il sorelodât cont Puarte d'adote chest ultim sisteme plui raionâl.

10. - Ritignîn just scrivi *cresci, nasci* quindi *cresc, nasc nascèss* e par insuficence de grafie *nassût*.

La grafie inesate, 'e corómp la buine pronûncie. In 'talián i setentrionâi pronunçin mâl *Brescia, fascia* fasint sintî l'i che l'è mitût nome par ripiego. I furlâns pronunçiand *Brèscie* e' sbalgin mentre e' pronunçin just *Bresce di Ciam-fuarmid* che forsi 'e ha la medésime etimologie; parimentri si ignore generalmentri 'ta-l Venit e' ta-l Friûl la juste pronûncie dal z inçial 'te's perâulis talianis; *zampa, zangola, zanna, zavorra, zecca, zio, zimbello, zingaro, zitto, zoccolo, zolfo, zucca, zappa, zuffa, zufolare*.

Ben râr e' son chei che san pronunçiâ justis lis perâulis talianis *così, cosa, caso, resistere, residente, riposo, riso, peloso* che si pronunçin eroneamentri cu-l medem s dolç di *desio, esaurire, esilio, prosa, rosa* ec.

La conclusion di chest ceno justificatîv — che al podarèss diventâ un volumût quan-che si esaminâss lis diferentis manieris di scrivi il Furlân dai autôrs antîchs e modernos ediç e inediç, e se

par ogni lètare o per ogni segno e per ogni unió di vocábui si dovèss dà une conveniént esemplificacìon — 'e jé che:

a) - La grafie nò jé stabil o fisse ma 'e va formand-si od evolvind-si di man in man che leind autôrs di ogni fate e di ogni varietât dialetâl si intopi-si in vocábui prime nò rimarcâç e si incontre une buine soluçion di un probleme ortografich. Dúncie la grafie da l' *Archivi* 'e aspire a là gradatamentri perfezionand-si.

b) - Che i stess principis enunçiâç specialmentri rispièt a vocâls lungis, viartîs e siaradis, apòstrofo e liniute, no son stâç simpri aplicacìon cun uniformitât e rigôr.

La colaboracìon dal publich in chest indirîç 'e sarèss un mont gradide.

c) Nò bisugne pensâ che lis antighis grafiis dal furlân e' sein dutis dispreçabils. Nò esíst maniere moderne, áncie strambe, di scrivi un vocabul, che nò sei za stade adotade in passât da qualchi scritôr. Dúncie nuje di gnûv nâncie in fât di grafie, comprindût il k e il ç. In qualúnque mûd, in passât, si scrivèss il lengaç furlân al vignive let sençe tantis protestis. Cumò nissune grafie 'e jé ritignude vonde sempliç par sei acessibil a la mentalitât dal nestri publich che si ha pôre di disturbâ o di imberdeâ masse, cun acénç e signos diacritichs. Si dovarèss concludi che il progrèss reâl in ordin a istrucìon, a pet dai secui passâç, l'è un mont dubi o relativ.

d) - Jé po' une idee sbalgiade il pretendi che la lenghe furlane, autònome al pâr-des altrîs, a diference di dutis, un che al sa fevelâ-le, al sepi áncie lei-le e scrivi-le di prin entro sençe il plui elementâr studi o esercîçi preliminar o un flich di paçience, quând che al cognosci une des lenghis sûrs come la latine, la 'taliane, la spagnole, la portoghese o la provençal. 'E sarèss masse cugagne!

(continue)